

mollium,dorsum,& cauda salitorum magnorum, vt etiam non salitorum mediocrium,& paruorum nullus est vsus, vt nec diu mortuorum iam , vel etiam qui viui contabuerint,seu extra aquam,seu in ea. Frixii , aut in patina,crustata: item elixi ex iure albo. Post sunt ouorum recentium vitelli , ex gallinis granis depastis,& loco liberiore, cum gallo, iunioribusque admittuntur : & quasi extra ordinem etiam anserum iecora:ob ea,quæ in Physicis retulimus,sunt omnino mollia,sunt dura,& coagulata generaliter præferenda in vsu, si Hippocrati ausculemus , exulabunt tum maxime , (quod ille etiam prætermisit) quoniam nulli alijs cibo tutò permiscentur, aut iunguntur. Caseus , butyrus recens non salitus, candidus, mollis , quibus in -vsu est maximè exercentibus se nulli alijs cibo permistus,quinto loco admisceri potest. Vinum autem pro aqua ob vsum, sed aqua multa recipit auxilia ex ferri coctione,& his qua illi permiscentur, vinum nihil per se melius habet aqua,nisi quod ciborum appetentiam excitat magis,atque id generali ratione,confirmat enim os ventriculi. Illud ergo habentibus imbecille,ac confuetis,melius est, distribuit enim cibum celerius, licet Hippocrates aquam edacem appellat. In vniuersum nisi esset difficultas parandi aquam , in longè pluribus præferremus,vt in pueris , mulieribus,adolescentibus, male morigeris. Ex aquis quæ pluia est, & quæ probatur vt omnis vitijs expers. Septimo loco est vua pasta, sed tenui admodum cortice , & in hac quæ maior est,vt Prania, pinguis, dulcis, recens , sed si crassò sit corticè, nil peius , maximè pensilis, & in hyeme tanto deteriore, quanta prior melior , ideo inter ancipitia numerari debet. Quo enim consilio hostem pessimum in fausto tempore in domum excipiems , quem nulla arte expellere posse speramus:cortices enim illi hærebunt perpetuo , inter casulas coli intestini atque etiam orbi: Vt etiam pisorum' quamvis elixatorum. Octauo loco pullegium , vt medicamentum cibale confirmat enim omnia membra , & spiritus præcipue, dissoluit flatus,expellit atram bilem, ideoque & omnia illi similia,aut affinia: & iucundum gustu est,odoremque suauem habet,velut & Virgilianum anethum,quod adiuuat coctionem flatum excellit,dolores sedat , somnum cōciliat,& vomitum cit molliter,auxilio futurum,si quid infeliciter deuomuerit; quo in genere, sed non vt cibi,sunt ruta,& cæpa,aut pro cæpa,porrum. Et pro theriaca tetrapharmaco habes iam rutam & salem , de quo mox, pro sicu, vuam Damascenam,nux quoque in promptu est: hæc (vt dixi) modica , detergunt ventriculum , & excitant cibi appetitiam,dico velut capares,& haleculas,& mel, sed hoc mitius. Apud Galenum raphani radices videntur , sed per vomitum huic membro propriæ. Sal lapideus quem vocat sal gemma. Galenus vtitur sua hiera simplici,quæ concinnata etiam, vt temporibus nostris solet optima est huic muneri. Dico à ventriculo detergendo educit, mellis præcipue ratione,euacuat humores crassos,propter aloēm, & confitmat , aromatum causa. Alij conficiunt catapotia ex turpetho,& gingibe-

re, ac saccharo, ratione continua dupla: nam turpethum est (vt dici vulgariter solet) ventriculi scopula: ideo quidam composuere cata-pocia minora, seu secunda ex eodem genere: nec displicet opinio eorum, qui saepius eloc-tam aloem succotrinam, aut turpethum, im-miscent, vt ablati omnibus partibus solam educat, & non trahat. Eo modo præparabitur succus centaurij minoris, cum pipere. Lau-dantur diatrion pipereon valde, diaconiten cum pipere, diaspoliticon, diacalamen-tum, omnia ex herbis, aut seminibus, quæ pa-rum ad modum contrita sunt, vt vim sero vèntriculo reddant, vterius non progrediuntur. Laudat sales lamblichos. Etius etiam, sed quorundam? compositio laboriosa est, præci-pue ætate nostra. Verum in aceto scilicito, dicebat author tertij libri de facile parabili-bus. Huius inuentor fuit Pythagoras Samius quem ferunt CXVII. annis vixisse illius vsu, & incolumem, cùm à L. annis ipsum in-ceperit assumere: nil superflui generari sinit, non bilem, non flatum neque sterlus, aut vri-nam, sed aluum lubricam conseruat. Horum-que, & aliorum, author ille periculum fecisse testatur. Eruit etiam ossibus excrementa infixa, deploratos phthisicos sanat, & comitali morbo diuturno opitulatur, incipientem ve-rò sanat. Ad podagras, articulorum dolores, iccoris & lienis durities, valde vtile est. Vinū autem scillinum ad pituitam dissoluendam, & per ventrem ac vrinas educendam, ventri-culumque calefaciendum, vtilius etiam est aceto: nam cum hoc ipsum corroborat, caput etiam purgat prorsus, & siccatur. Ante ci-bum binas vncias exhibeto, à cibo semiunciam, quod si iucundius efficere velis, mellis adiicio partem sextam, aut quartam, scilicet ab initio, nam post XL. diebus suspensum (in Sole scilicet) teneri vult. Quod in Sole ostendit liber de Dinamidiis: & quoniam necessaria-rium est, vt virtus transeat, aliter etiam putresceret, & quod eligat dies caniculares ad hoc. Sed hic primum est animaduertendum, quod tanta miracula non debent mouere quemquam ad usum huius aceti, quod ego cùm experiri vel modicè voluerim, in tenes-mun me adegit, & vesicæ & intestinorum rem molestissimam, si quæ est alia, nec conuenit ventriculum habentibus sensibilem, aut imbecillum, id est tenuem, aut rarum, aut an-gustis vasis, aut in corpore senili, vel macilen-to, aut admodum bilioso. Scire necesse est etiam, quibus maximè, & per se conueniat, scilicet liensis propriè, & idè atræ bili, & melancholiæ, at maxima pars morborum, qui natura occidunt, ab hoc contingunt humore, cæteri aut ob compositionem interficiunt, aut effectus magnitudinem, aut imbecillita-tem patientium, vel ob prauam curam. Sana-bit igitur duros maximè tumores, refrigerationes, viscerum obstrunctiones, lentes putredines, fluxiones, & intemperies tabificas, fri-gidas, & hæc quæ ad eadem consequuntur. Bonum non est studiosis, Veneris usu gau-dientibus, vitam segnem agentibus, membrana-naturæ debilia habentibus, atque his omnibus oxymel eiusmodi melius est aceto. Inquit enim Mesues, oxymel scilliticum melius es-capiti, & ventriculo, & lieni, ac pulmoni, (lice-

*Turpethum
ventricula
scopas.*

*Aceti scillitō-
ci laus.*

*Vini scillini
lans.*

*Quibus non
conueniat
acetum sci-
linum.*

Oxymelis scilicet laus.

One qua bo
na.

Quibus vi-
num metu-
fit aqua.

Una passa.

Pulegium ci-
bale medica-
menum.

*Hiera sim-
plex Galeni
7. Art. cur.*